

ԳՐԱՆՈՍՈՒԹՅՈՒՆ ԵՎ ՔՆՆԱԴՍՏՈՒԹՅՈՒՆ

Հ. Ս. ԿԱՐԱՊԵՏՅԱՆ, ՄԱՅԻՍՅԱՆ ԱՊՍԱՄԲՈՒԹՅՈՒՆԸ
ՀԱՅԱՍՏԱՆՈՒՄ (1920)

Հայկական ՍՍՌԻ ԴԱ Հրատ., Երևան, 1961, 337 էջ:

Սովետական իշխանության հաստատման և ամրապնդման համար մղված պայքարի ժամանակաշրջանը հայ ժողովրդի բազմադարյան պատմության ամենահետաքրքիր և շահագնաց բարդ շրջաններից մեկն է: Բնական է, որ Անդրկովկասի այն ժամանակվա տնտեսական, քաղաքական և ազդային բարդ հարաբերությունների խորը անալիզի դեպքում միայն հնարավոր կդառնա տալ Սովետական իշխանության հաստատման և ամրապնդման համար մղված պայքարի մարքսիստական պատմությունը:

Չի կարելի ասել, թե այդ ուղղությամբ քիչ բան է արված: Ընդհակառակը, 1917—1921 թթ. մասին կուտակվել է հարուստ զրականություն, լույս են տեսել նյութերի և փաստաթղթերի ժողովածուներ, մեծ թվով ուսումնասիրություններ:

Հ. Կարապետյանի մեծածավալ մենագրությունը նվիրված է Մայիսյան զինված ապստամբության պատմության խորը և բազմակողմանի լուսարանմանը:

Հեղինակը միաժամանակ չի շրջանցել Մայիսյան ապստամբության ուսումնասիրության ընդգնացում գոյություն ունեցող տարակարծությունները: Նա վիճելի, սկզբունքային հարցերի մասին տալիս է իր կարծիքը և փորձում հիմնավորել այն: Ճնշատակ ունենալով տարբեր վայրերում տեղի ունեցած ապստամբության պատմությունը տալ հնարավորին չափ լրիվ, հանգամանորեն աշխատել ենք հիմնավորել այն պայմանավորող ներքին և արտաքին գործոնները, շարժիչ ուժերի տեղն ու դերը, ապստամբության պարտության պատճառները (էջ 7),—գրում է հեղինակը:

Մայիսյան ժողովրդական ապստամբությունը ոչ միայն Հայաստանում, այլև ողջ Ռուսաստանում Սովետական իշխանության համար մղված պայքարի ամենափառավոր էջերից մեկն է: 1920 թ. մայիսին զաշնակցական կառավարության քաղաքականության հետևանքով ֆիզիկական րնաջնջման վտանգի առջև կանգնած, արյան ու արցունքի մեջ լողացող հայ ժողովուրդը ղենքը ձեռքին փողոց դուրս եկավ՝ իր բախտը տնօրինելու իրավունքը նվաճելու համար: Իրադրությունը շահագնաց բարդ էր: Ապստամբության հաղթանակի արտաքին և ներքին պայմանները, էլենլով Հայաստանի, Անդրկովկասի և ամբողջ Ռուսաստանի կացությունից ընդհանուր առմամբ նպաստավոր էին, բայց շնայած դրան, Մայիսյան ապստամբությունը պարտվեց: Պետք է նշել, որ Մայիսյան ապստամբությունը տեղի ունեցավ պատմական բարդ ու բազմազան իրադրություններում և այդ առումով էլ դժվար են սովետահայ պատմաբանների խնդիրները: Չկան խիստ անհրաժեշտ վիճակագրական տվյալներ, պակասում են փաստաթղթերը:

1՝Տե՛ս Ս. Կարապետյան, Ձախություն մանկական հիվանդությունը մեղանում, «Նոր աշխարհ», № 2, 1922: Ա. Գ. Հովհաննիսյան, Հայաստանի հուլիսն ու հոկտեմբերը, «Նորք», գիրք երեքորդ, 1923: Շ. Ամիրջյանյան, Մայիսյան ապստամբությունը Հայաստանում 1920, 1927: Թ. Մանդալյան, Մայիսյան ապստամբությունը, 1929: Ա. Խանջյան, Մայիսյան ապստամբությունից զեպի հաղթական նոյեմբերը, 1935: А. Эльчибекий, Победа Советской власти в Армении, 1954. Его же. Великая Октябрьская Социалистическая революция и победа Советской власти в Армении, 1957: Գ. Չարիքչյան, Հայաստանի կոմունիստական կազմակերպությունները Սովետական իշխանության հաղթանակի համար մղվող պայքարում, 1956: Ծ. Աղայան, Հոկտեմբերյան ռեյոլուցիան և հայ ժողովրդի ազատագրումը, 1957: Г. Галоян. Борьба за Советскую власть в Армении, 1957. С. Вартанян. Победа Советской власти в Армении, 1959. С. Карапетян. Коммунистическая партия в борьбе за победу Октябрьской революции в Армении, 1959 և այլն:

Այնուամենայնիվ, չնայած այդ բոլորին, թեև դանդաղորեն, բայց հաստատաբայլ առաջ է ընթանում ապստամբության պատմության ուսումնասիրության դործը: Պատմաբանների քրտնաշան աշխատանքի շնորհիվ կաթիլ առ կաթիլ ի մի են հավաքվում փաստաթղթերը և ստացվում է Մայիսյան ապստամբության առաջացման, ընթացքի և պարտության ամբողջական պատկերը իր գիտական բացատրությամբ: Պրոբլեմի ուսումնասիրության այս առաջընթացը, իհարկե, կատարվում է բավականին դժվարությամբ, սուր բանավեճերով:

Մայիսյան ապստամբության պատմության ուսումնասիրությամբ, իհարկե յուրովի, զբաղվում են նաև դաշնակցականները, որոնք ճգնում են «ապացուցելու», թե Հայաստանում ընդհանրապես ունեւոյցիոն, կոմունիստական շարժում գոյություն չի ունեցել և ամեն կերպ փորձում են խեղաթյուրել Մայիսյան ապստամբության համաժողովրդական բնույթը:

2. Կարապետյանը իր աշխատության առաջին գլխում, որը վերնագրված է. «Հայաստանի տնտեսական և քաղաքական վիճակը 1918—1920 թթ. աշխատավորների պայքարը դաշնակների տիրապետության դեմ մինչև Մայիսյան ապստամբությունը», կարողացել է հերքել դաշնակների վերսիսն և համոզիչ կերպով ցույց տալ, որ Մայիսյան ապստամբությունը 1918—1920 թթ. պատմության ամբողջ ընթացքով նախապատրաստված համաժողովրդական գինված ապստամբություն է:

Գրքում հանգամանորեն նկարագրվում են քաղաքական իրադրությունը Հայաստանում դաշնակների տիրապետության տարիներին, երկրի ժողովրդական տնտեսության ծայրահեղ քայքայվածությունը, աշխատավորների ունեւոյցիոն ելույթները և կոմունիստական կազմակերպությունների անձնազուժ աշխատանքը, քողազերծելու Անդրկովկասի բուրժուա-նացիոնալիստական պարտիաների հակաժողովրդական քաղաքականությունը և միջազգային իմպերիալիզմի մեքենայությունները:

Հեղինակը այնուհետև մանրամասնորեն շարադրում է մայիսյան ցույցերի և այնուհետև ապստամբության պատմությունը Ալեքսանդրապոլում, Կարսում, Սարիղամիշում, Նոր Բայազետում, Դիլիջանում և Զանգեզուրում: 2. Կարապետյանին հաջողվել է, ընդգրկելով բոլոր հայտնի նյութերը և ավելացնելով նորերը, տալ Մայիսյան ապստամբության ամբողջական պատկերը Հայաստանում: Բերված առատ փաստական նյութը մեկ անգամ ևս ապացուցում է հանրահայտնի այն դրույթը, որ Մայիսյան ապստամբությունը դաշնակցականների տիրապետության տակ զբաղեցրած Հայաստանի տնտեսական և քաղաքական զարգացման տրամաբանական արդյունքն էր: Ապստամբությունը, ինչպես ցույց են տալիս փաստերը, բռնկվել էր Հայաստանի բոլոր շրջաններում և կրում էր համաժողովրդական բնույթ:

Թվում է, թե այսպիսի պայմաններում ապստամբությունը պետք է անպայման հաղթանակեր: Բայց այն չհաղթանակեց:

2. Կարապետյանը, բնականաբար, աշխատության վերջին գլուխը նվիրում է այդ հարցի պարզաբանմանը, փորձելով լուսաբանել ապստամբության պարտության պատճառները: Տարակաթությունները Մայիսյան ապստամբության պատմության ուսումնասիրության բնագավառում չիմնականում վերաբերում են միայն և միայն պարտության պատճառներին: Հեղինակը զալիս է այն ճիշտ եզրակացությանը, որ 1920 թ. ապրիլ—մայիս ամիսներին Հայաստանում գոյություն ունեւր անմիջական ունեւոյցիոն իրադրություն, կային ապստամբության օրյեկտիվ և սուրյեկտիվ ֆակտորները: Ապստամբության հաղթանակի համար կային նաև որոշ արտաքին բարենպաստ պայմաններ, Դա առաջին հերթին իր արտահայտությունը գտավ նրանում, որ Կարմիր Բանակը մտավ Անդրկովկաս, իսկ Ադրբեյջանում հաստատվեցին սովետական կարգերը:

Աշխատության մեջ հեղինակը թվարկում է ապստամբության պարտության հետևյալ պատճառները.

1. Ապստամբության տեխնիկական և կազմակերպական վատ նախապատրաստումը, Արմենկոմի ուրվագծած նախնական ծրագրի (ապստամբությունը սկսել Ղազախից) խախտումը, Ալեքսանդրապոլի կոմիտեի կողմից զրսւնորված շտապողականությունը:

2. Հայաստանի տարրեր շրջանների ապստամբական ելույթների վատ կոորդինացումը, ոյր հասցրեց ապստամբական ուժերի ջլատմանը և մանրատվածությունը:

3. Ապստամբական ուժերը փոխանակ հարձակման անցնելու. վարեցին պաշտպանողական տակտիկա, որ աղմա-ունեւոյցիոն կոմիտեի լուրջ սխալն էր:

4. Միջազգային իմպերիալիզմի և ներքին կոնտրոնեւոյցիայի դաշինքը:

Վերոհիշյալ և այլ պատճառները, ըստ հեղինակի, խանգարեցին Մայիսյան ապստամբության հաղթանակին: ԵՄիայն ապստամբության մասին մարքս-լենինյան ուսմունքի հետևողական

կենսագործումը ապստամբության պլանավորումը, տարբեր վայրերի ապստամբական ելույթ-նեիրի միավորումը, սուանց հապաղելու վճռական հարձակողական գործողությունների ծավալումը և նրա հմուտ ղեկավարումը, անտարակույս կապահովելը ապստամբության հաղթանակը» (էջ 303)։

Մայիսյան ապստամբության պարտության պատճառների մասին Հ. Կարապետյանի արտահայտած կարծիքը հիմնականում համընկնում է սովետահայ պատմագրության մեջ տիրապետող տեսակետին։

Այժմ խոսենք աշխատության մի շարք թերությունների մասին։

Ամենից առաջ աչքի է ընկնում ամբողջ մենագրության և հատկապես նրա առաջին դիմի ձևավորումը։ Ուրախալի է, որ հեղինակը աշխատության մեջ ձգտել է հնարավորին չափ շատ հիշատակել ապստամբության մասնակիցների ազդանունները և տալ նկարները։ Սակայն մեղ թվում է, որ այդ խնդրում հեղինակը կորցրել է չափի զգացմունքը։ Մենագրության առանձին էջեր փաստորեն վերածվել են ազդանունների ցուցակի։

Տարօրինակ է, որ աշխատությունը չունի Մայիսյան ապստամբության մասին լույս տեսած դրականության տեսություն։

«Կենսագործելով Վ. Ի. Լենինի ցուցումները և պարտիայի դիրքերի վերաբերյալ, Ալեքսանդրապոլի, Նոր Բայազետի և մյուս կազմակերպությունները 1917—1919 թթ. անջատվեցին մենշևիկներից» (էջ 84),—գրում է Հ. Կարապետյանը։ Մենշևիկներին կազմակերպչորեն անջատվելու մասին ցուցում տվել է Ապրիլյան կոնֆերանսից 1917 թ.։ Հայաստանում, ինչպես հայտնի է, բացի Ալեքսանդրապոլի կազմակերպությունից, մյուս բոլորը բաժանվել են միայն 1918—1919 թթ.։ Մի՞թե Հ. Կարապետյանը այդ խիստ ուշացումը համարում է Վ. Ի. Լենինի ցուցումների կատարում։ Մեղ թվում է, թե հեղինակը պարտավոր էր իր վերաբերմունքը ցույց տալ այդ խիստ կարևոր հարցի վերաբերյալ։

Հեղինակը չի տալիս տվյալ ժամանակաշրջանում գործող հայ քաղաքական պարտիաների դրժանեության բնութագիրը, նրանց հարաբերությունները, դաժակարգային կոմիտեի և այլն։ Մինչդեռ հայ հասարակական պարտիաների գործունեությունը ոչ միայն Մայիսյան ապստամբության, այլև Սովետական իշխանության համար մղված պայքարի ամբողջ ժամանակաշրջանում ներկայացնում է զգալի դիտական հետաքրքրություն։ Պետք է ասել, որ այս թերությունը ընդհանրապես հատուկ է 1917—1920 թթ. մասին լույս ընծայված համարյա բոլոր աշխատություններին։

Հ. Կարապետյանը գրում է. «Կարսի Ռեկոմի կողմից թուրքական, ռուսական և հունական (մասնավորապես վերջինների) ազգային խորհուրդների կողմից առաջարկված օգնությունից հրաժարվելը Մ. Աղայանը իր «Հոկտեմբերյան ռեյուցիան և հայ ժողովրդի ազատագրումը» աշխատության մեջ համարում է լուրջ սխալ (էջ 253)։ Մենք այդ կարծիքը չենք բաժանում, գտնում ենք, որ Ռեկոմը ճիշտ վարվեց» (էջ 167)։

Մական դարձանալին այն է, որ Մ. Աղայանի վերահիշյալ աշխատության 253-րդ էջում խոսքը դնում է միայն ռուսական և հունական ազգային խորհուրդների առաջարկած օգնության մասին, իսկ թուրքական ազգային խորհուրդի անունը ոչ մի անգամ չի հիշատակվում։ Կարսի Ռեկոմը առանց պրովոկացիայից վախենալու, անշուշտ, պետք է ընդուներ ռուսական և հունական ազգային խորհուրդների առաջարկած օգնությունը։ Մի՞թե կարելի է մոռանալ Բաքվի Կոմունայի հերոսական պատմության օգտակար փորձը, երբ մուսավաթականների պրովոկացիայի և նացիոնալիզմի թույլնով վարակված շտեմբան քառասյին, բարդ ու խճճված պայմաններում կոմունարները հմտորեն օգտագործում էին հայկական ուժերը։

Այնհայտ է, որ ապստամբության կազմակերպման գործում Արմենկոմը թույլ է տվել մի շարք կոպիտ սխալներ, որոնք վճռական նշանակություն են ունեցել ապստամբության պարտության գործում։ Ռազմա-ռեյուցիոն, կոմիտեի սխալները ևս իրենց նշանակությամբ չլին զիջում Արմենկոմի սխալներին։ Սակայն տարօրինակ է սովետահայ պատմաբանների վեճը այն մասին, թե որ շրջանը պետք է սկսել ապստամբությունը՝ Ղազար, թե Ալեքսանդրապոլը։ Մինչդեռ սխալը զալիս է հուրցատուրից։ Ապստամբությունը Հայաստանի բոլոր շրջաններում պետք է սկսվեր միաժամանակ։ Այլ հարց է, թե Արմենկոմը որ շրջան էր համարում ապստամբության միջնաբերդը Հայաստանում՝ Ղազար, թե Ալեքսանդրապոլը։

Մայիսյան ապստամբությունը ունեցել է, ինչպես տեսանք, պարտության մի շարք պատճառներ, բայց դրանց մեջ բախտորոշ նշանակություն ունեցավ այն, որ Արմենկոմը չկարողացավ Հայաստանի ապստամբությանը լավ նախապատրաստված զոհն հիմնական շրջանները, միաժամանակ ուղի հանել։

Անկասկած է, որ եթե ապստամբական ելույթները միաժամանակ սկսվեին և միասնական պլանով ընթանային, ապա նրանք անպայման հաղթանակի կհասնեին:

Ուսումնասիրելիք այսքանով, չ. Կարապետյանի «Մալիսյան ապստամբությունը Հայաստանում» աշխատությունը գլխի ենբերում է Սովետական իշխանության հաղթանակի համար մեղանշման մղված պայքարի պատմության ուսումնասիրության գործում:

Լ. Ա. ԽՈՒՐՇՈՒԴՅԱՆ